

Kanisa Liondoke na Liangaze

Ondoka, uangaze; kwa kuwa nuru yako imekuja, Na utukufu wa Bwana umekuzukia. Maana, tazama, giza litaifunika dunia, Na giza kuu litazifunika kabila za watu; Bali Bwana atakuzukia wewe, Na utukufu wake utaonekana juu yako—Isaya 60:1, 2.

Wivu ulisababisha kifo cha kwanza katika ulimwengu wetu.... Ubinafsi wote unatoka kwa Shetani. Wanadamu ni wa familia moja kubwa, familia ya Mungu. Wanapaswa kupendana na kuheshimiana. Hawapaswi kuongea maneno yanayoumiza na kujeruhi. Hakuna mtu anayepaswa kufanya isivyo haki katika utendaji wake, akiwasababisha wenzake kupoteza Imani kwake. Ubinafsi na udhalimu huleta majonzi. Kwa mvuto wa chuki yao watu hupoteza utambuzi wa kile kinachomaanisha kupendana kama Kristo alivyotupenda.

Wote wanalazimika kufanya kazi kwa upendo na umoja, wakimwangilia Mungu kama kielelezo kikuu. Kumpenda Yesu ni kanuni imuunganishayo mtu na wanadamu wenzake....

Kinyume cha utii kwa Mungu kinaonekana katika ulimwengu leo. Kila ufalme, kila jimbo, kila familia, ina shauku ya kujionesha yenyewe. Watu wanatamani kuwatawala wanadamu wenzao.... Sababu kuu ya utendaji wetu ni ubinafsi....

Bwana anawaita watu Wake kuweka kila kikwazo mbali nao. Ujazwe na Roho Mtakatifu. Ili kumuunganisha mwanadamu na Mungu na wanadamu wenzake, kurejesha kwa mwanadamu ukarimu uliopotezwa kwa sababu ya dhambi—huu ndiyo utukufu wa injili. Hebu kanisa na liondoke na kuangaza; kwa kuwa nuru imekuja na utukufu wa Bwana umelizukia. Hebu washiriki na wajitahidi kwa bidii kupata ushindi dhidi ya nafsi (*Manuscript 78, 1901*).

Dini ya Yesu ina maana kubwa zaidi ya msamaha wa dhambi; ina maanisha kuondolea mbali dhambi zetu na kulijaza ombwe kwa neema ya Roho Mtakatifu. Inamaanisha kuangaziwa na Mungu, kufurahi katika Mungu. Inamaanisha moyo usiojawa na ubinafsi na kubarikiwa kwa uwepo wa daima wa Yesu Kristo. Kristo anapoitawala nafsi, kunakuwa na usafi na uhuru dhidi ya dhambi. Utukufu, ukamilifu na utimilifu wa mpango wa injili utatimizwa maishani. Kumpokea Mwokozi kunaleta mng'ao wa Amani kamilifu, upendo kamili na uthibitisho mkamilifu. Uzuri na harufu nzuri ya tabia ya Yesu kunapofunuliwa maishani hushuhudia kwamba kwa hakika Mungu amemtuma Mwanawe ulimwenguni ili kuwa Mwokozi wake....

Ufunuo wa utukufu Wake mwenyewe katika umbo la kibinadamu kutaitaleta mbingu karibu sana na wanadamu kiasi kwamba uzuri unaolipamba hekalu la ndani utaonekana kwa kila nafsi ambayo Mwokozi anaishi ndani yake. Watu watavutiwa sana na utukufu wa uwepo wa Kristo daima. Na katika mfuatano wa kusifu na kushukuru kutoka kwa nafsi nyingi zilizoongolewa kwa Mungu, utukufu utarejzwa kwa Mpaji mkuu (*Christ's Object Lessons, 419, 420*).